

重修稷山縣志序

自採風之使不行於後世而吏治民情與  
夫孝子悌弟節婦義士得以上達

朝廷備史民收錄者惟潁州縣志之重  
脩功令宜以三十年非僅慮鄉曲懿行  
久而就湮也人情之澆漓淳樸士習之固  
陋文明其興化移易者綜前後觀之

稷山縣志

序

一

而守令宣力之勤情舉無所暱於其間  
用意豈不深且遠哉予以嘉慶辛未奉  
簡命來守茲邑下車聿始披閱前志以為  
稽古教稼地人則勤儉務本風則蟋  
蟀興思其遺俗應可想見及撫蒞三載  
雖仍廣頌劇總不外土物心臧者是抑  
且山陬樸壤往往有庸夫愚婦奮於

嘉慶二十年

理  
出  
歸  
出

本署藏板

孺慕之誠慷慨之忱其崇善之舉俱不假  
人為直出天性者然後知唐虞之休風犹  
存先王之遺澤尚未泯也遂延鄉先達  
並請紳士商士白邑之有志猶國之有  
史前志已閱五十載非踵事增脩使  
繼起忠烈之蹟掩沒弗彰不惟無以表  
懿美之將何以勵風俗諸君其歸而率

鄉里後進共相砥礪以表賢能予之勉  
求其職庶幾昭懲勸勵人心使風氣日  
趨熙淳不懈而及於古以無負

國家休養之意豈不感哉至西濱大河東  
臨古絳姑射峙其北汾水繞其南山川  
古蹟之美前志已詳哉言之若不足贊  
惟是鍾靈毓秀山河枕昔必代有偉人

可以德名世擬魏科以樹經濟者是則予  
之所厚望也是為序

嘉慶二十年歲在乙亥中秋月知

稷山縣事天中臨汝張應辰書

於官舍之芳蔭軒



舊序

秦府強 晟  
長史 汝南人

史以傳信今之志猶古之史也凡有國有天下者例必有史而一郡一邑亦必有史焉雖所紀大小不同無非所以傳信也稷山有志其亦古史之流與邑以稷山名者說者以后稷始播百穀於茲而邑以是得名邑故有志僅有敗楮數葉且出於胥徒之手訛謬至不可讀其亦邑之不幸也夫予寅梁君宏濟稷產也篤信好古見義勇爲每慨然謂予吾邑乃鄖公建勲之地吾必倡爲之祠金元間有二段先生者出吾

稷山縣志

舊序

必於行其集且邑志無所於考吾必補完其書必若是而吾之志斯少遂耳君乃於退朝之暇博考羣書至忘寢食不兩越月而書告成一旦攜巨帙過予請叙其首簡予翻閱至再因竊嘆宏濟之見義勇爲果無爽於初志也且其考覈之精詳筆削之嚴謹議論之明正鑿鑿乎可傳於後信乎其爲良史無疑也詩不云乎維桑與梓必恭敬止宏濟拳拳於父母之邦者如此則其所以移孝爲忠而以彌成賢濟之政者夫豈無所自哉正德甲戌春二月

舊序

解州 判官 呂 棟

此志爲秦王府長史梁君宏濟所編綜核物理而稽  
具人賢則亦密矣其子進士君正格將入梓以傳乃  
獻諸巡按御史潛江初公初公曰凡文美則愛愛則  
傳此志雖美能無不盡然者乎可視諸呂涇野君正  
遂兩謁予曰此不獨潛江先生之命亦格繼先大夫  
之志而思昭敝邑者也按志自建置以下凡十四篇  
析類明而紀事實密不啻云爾且此邑去后稷所產  
之地甚邇而后稷始稼穡於此邑因是名周人所由  
稷山縣志

舊序

二

有也而志不具豈非缺典乎乃梁君能振編於數百  
載之下而進士又欲梓於登科之後斯其意亦美矣  
不亦可永乎嘉靖丙戌春三月

舊序

縣令 賈 憲 安定人

初稷山縣志成汝南強君晟序之未梓而卒君卒去  
歲冬其子格謀諸前地官員外郎李君棠視諸侍御  
初公及涇野子涇野又序之歸而將梓以大朝迫而  
李君行矣格亦以會試迫將行時余始至政務叢一  
人司府間有委責遂僕僕無暇日中止者又數月矣

今年三月余治稍就因欲舉前事視其志搜計磔裂  
攜撫融結分門列類既詳且明見其建置之類具離  
合變易之迹而世道有可稽見其風俗之類有唐虞  
朴儉之風而聖化有可窺見其田賦戶口之類有合  
於禹貢周官之良法而時制昭矣見其人物名宦之  
類默寓夫春秋綱目之奧旨而鑒戒備矣見其山川  
物產諸異跡之類又有合於詩之足以資多識於是  
暢然喜而又惕然感於中乃曰是豈有意於余也哉  
今夫令於一邑一邑之主也如疆域之不治風俗之

稷山縣志

舊序

三

不美與凡涉於斯土者有不理咎將焉執然此豈非  
余之責也哉至於人物名宦一志不余責而余之志  
愈懼豈非余之警也哉責不得以不憂而警不能以  
不爲憂而爲斯無負於責與警也令於此斯無愧也  
夫人之爲善固不專於耳目之所及然藉此居多故  
雖古之人有書諸紳銘之盤牖以取諸耳目者余未  
能此而是志乃余見夫是志往往具令於前者又非  
一人舉不直而余直是豈無意於余也哉然則余烏  
能無感乎夫余治才數閱月每惧菲薄不堪果有合

於民而悅於神者乎否則直亦不直矣嘉靖丙寅春  
三月

舊序

縣令

劉三錫

稷志在宏治前不可考嗣是凡再易焉余受事時會  
新志成經緯有章纖鉅並列哀然稱成說矣第不無  
佚事當補收譌事當檢正與夫近事當增入者如斛  
律光之守平隴猶之乎韋孝寬之守玉壁也韋則俎  
豆名宦又更立叢祠而斛律則否齊史昭然可據奈  
何沒之邑治故在稍北里許志謂隋開皇二年改建

稷山縣志

舊序

四

今治近來民有掘土得誌者云葬稷山之西原以故  
城遺址絜之卽其地誌蓋貞觀二年物則唐初尙未  
改安得謂在開皇間也侍御史公瑛抗節挺忠不爲  
逆瑾所撼當年行事載在名臣錄中物且百年而近  
始入祀鄉賢又比歲蝗旱王仲元揭竿稱王事皆從  
古未有至於藝文一道俱出名手皆足增重卽其文  
不大家而關切民事似不可畧志以詡媿庸厭繁乎  
邑志雖小史而紕漏未蠲將何以昭方城之實錄備  
郡國之風謠垂爲百年惇信哉乃延鄉紳中擅詞場

者共爲叅訂譬則凌波而濟跂而望之後之人余豈  
得已哉然則余盡余見而已安知上古以來發秀山  
川鍾靈社稷諸名公能盡蒐無遺尙矣後之君子有  
史才者豈萬歷庚申秋月

舊序

縣令

顧涑初

歸安人

嘗讀周禮職方氏掌九有之圖籍古天子巡方所至  
歲采土庶歌謠以周知十五國之風俗竊嘆昔人之  
爲治道計何深且遠也嗣後地理志肇自漢史沿及  
後代郡有書邑有紀上自星躔分野災祥雲物下至

稷山縣志

舊序

五

山川形勝則壤物產以迄人才之升降民風之淳漓  
紀載詳晰靡不展卷列陳燦若指掌稽前可以示後  
鑒古有以知今載乘煌煌典誠鉅也稷邑爲古高粱  
地背藐姑右玉壁據稷峯以爲障連汾水以爲襟俗  
尙淳朴勤稼穡耕鑿作息恍乎蟋蟀山樞之遺風雖  
河東一僻壤然歷代以來時異事殊先猷往蹟班班  
可攷舊志修於故明博陵劉公迄今閱五十餘年矣  
典章日以紊事故日以遷其間人文政治可采可風  
者率皆湮沒而不彰亦一邑闕典也今時際

聖朝百度釐舉兆庶咸平余忝膺簡命承乏茲土鞅  
掌之暇每覽舊誌而慨焉不禁有修輯之志竊思躬  
值隆時得昭盛典甚幸也及茲文獻未淪攷稽伊邇  
不爲纂述見聞繼往昔以示來茲俾後起者知所法  
戒倘世遠人湮後縱有畱心採攬者而傳聞未信參  
訂無從將不能無荒畧之憾誰職其咎迺於癸丑之  
春延邑紳矜之文華素擅者因舊誌所未逮共輯而  
紀之編列之次爰爲變通損益於其間闕文以補軼  
事以傳雖未敢冀追蹤往哲媲美前賢然使後之君

稷山縣志

舊序

六

子檢閱昭然萃百里於寸眸集往古於方幅稽某事  
則師其所以得考某人則鑒其所以失法戒於此彰  
治道於此備且於異日輔軒採奏之內未必無小助  
此則余之志也若夫黼黻潤色探奇索渺務使觀覽  
靡遺華實兼備於以垂百年惇信余識踈且愧非史  
才不敢居也是不能無望於後之人昔康熙癸丑暑  
月

舊序

知縣

韋之瑗

志之昉也其體權輿於禹貢漢太史公作八書班氏

廣之爲十二志而志之名始著厥後唐有括地宋有寰宇明有一統皆仿其體爲之若夫嚴掌故設官司則周禮爲最詳考職方氏有內史以掌邦國之志有外史以掌四方之志凡以採山川民物風俗貞淫政治得失以獻於王而布其政令焉典至重也我

國家重熙累洽久道化成山陬海澨之區聲教所訖政立事舉凡山川財賦兵防學校風土人文之類官斯土者莫不勒爲成書以垂久遠而勦盛治邑之有志由來舊矣顧志自明以前無考嘉靖萬歷間凡一

稷山縣志

舊序

七

再修輯康熙癸丑前顧令卽舊帖而續之迄於今又將百年矣其間風土人物今昔殊觀事多變革典宜增益使不早爲補緝而聽其散佚後將湮滅是懼夫徵文考獻豈異人任余蓋心盟者久之歲癸未州憲重修紀乘馳檄徵各屬志而邑中紳士亦欣然以開局請乃徵舊典蒐軼聞採近事分例編纂而余於簿書之暇亦相與探討商確之缺者補冗者芟信者傳疑者闕剝蝕者完亥者辨經始於癸未之秋歷三晦朔而脫稿焉爲卷者十爲目者二十有六而猶恐

考核未精義例未備以貽鉛槧羞復訂可於石城貞齋夫子嘆曰有是哉此考治之書也卽是可以觀政矣昔唐宣宗令韋京兆纂次風土景物號曰處分語向文簡周知天下戶口扼塞爲有宋名臣紫陽蒞任以修輯紀乘爲亟亟豈徒然哉茲編也其於一邑山川財賦兵防學校風土人文之類蓋不啻燭照數計苟由是而求之若者利若者弊若者宜因宜革宜變通宜調劑酌古準今因地措施一一而處分之庶不失紫陽修志之本意乎以希往哲以考職守請自茲

稷山縣志

舊序

八

志始余聞其言而慙然失憬然惕也爰取而弁諸簡端並綴數語於末竊以志之爲體與史相表裏而有美無刺彷彿家乘焉用以鳴盛非可陽秋然此則邑人意非居官者意也自古言天則言災異不言符瑞察土以瘠問民所苦譬之知心者但知其憂愛苗者莫知其碩耳以余觀於稷瀕汾則多衝決近山不少沙鹹土無物產人無奇巧小民守數畝薄田爲八口計士子負耒而橫經者十常八九市少華肆民鮮服美推其故蓋緣勝國晚季民窮賦繁困於徵輸每闕

田賦舊志未嘗不惻然于其時民力之凋瘵而因以見我

朝休養生息百餘年來浩蕩之恩波直與稷峯汾水而並長矣然則有司牧之責者其思所以卵翼而穀哺之以躋稷民於仁壽之域者又當何如也哉昔乾隆歲次癸未冬月旣望

劉志姓氏纂修知縣劉三錫編次邑人知州馬耿通判梁蕙知縣鄭寅梁芸高穎

顧志姓氏纂修知縣顧涑初叅閱縣丞張克遇典

稷山縣志

舊序

九

史沈宗昌叅訂訓導馮惟敬校正邑人通判賈國棟知縣陳國泰王震亨采輯生員趙含光劉曰威曹希曾梁廷撰高世則張三畏

韋志姓氏纂修知縣韋之瑗編次教諭郭珮訓導賈天爵典史蔣國璋校錄邑人舉人裴景拔張圖杉貢生王克紹閭有光甯照離李蘭張育梅廩生高希賢采輯貢生王喆監生衛定趙偉曹文賈珩生生員楊之瑜孫述孔段連甲孫維城段丕顯張秉德李如桐督刊監生李如楠張履和

稷山縣志目錄

卷之一

序

舊序

姓氏

目錄

凡例

圖考

星野

圖說附

沿革

地表附

疆域

形勝舖遞附

山川

水利附

風土

節序物產附

卷之二

稷山縣志

目錄

建置

廨署坊表附

城池

關津鎮堡橋梁坊里附

祀典

壇廟祠堂附

學校

書院義學鄉飲酒禮附

田賦

丁徭倉儲鹽課附

兵防

武事附

卷之三

職官

宦績

卷之四

選舉

職吏例職武科武秩封蔭附

卷之五

人物

卷之六

孝義

隱逸

寓賢

藝術

仙釋

列女

卷之七

古蹟 寺觀陵墓附

祥異

卷之八

藝文上

卷之九

稷山縣志

目錄

藝文中

卷之十

藝文下 詩撰著總目附

稷山縣志重修姓氏

纂修

稷山縣知縣 張應辰 拱之拔貢 汝州人

分纂

癸卯科舉人 王 墀 對宸汝州人

稷山縣教諭 徐振基 北亭舉人 陽曲人

稷山縣訓導 褚齊亮 唐輔舉人 曲沃人

督梓

稷山縣典史 文調鈞 蘅菴監生 瑞昌人

稷山縣志

卷之一

校正

署應州學正 馬汝錦 晝堂

庚申舉人 張澤

候補訓導 楊逢源 濬川

廩貢生 馬驥 翼亭

生 張受祺 憲吉

生 許作霖 雨蒼

繪圖

增

生 劉秉經 袖齊

編次

歲 貢 生 高寧華

拔 貢 生 王寬

歲 貢 生 徐文煥

歲 貢 生 管解愠

監 生 馬驊

廩 生 賀麟經

生 員 馬錦章

生 員 王蘭桂

稷山縣志

卷之一

二

采輯

候 銓 布 經 廳 杜 杉

貢 生 解德順

監 生 馬秉乾

武 生 羅文縉

廩 生 鄭環

廩 生 馮文徵

生 員 史廷佐

生 員 韓捷登